



**Broj: 01- 19/12
Vareš, 30.01. 2012. godine**

Na osnovu člana 22. Statuta Općine Vareš broj: 01-25/09 od 29.01.2009. godine, a u vezi sa članom 13. Poslovnika o radu Općinskog vijeća Vareš – Prečišćeni tekst, broj. 01-109/09 od 29.04.2009. godine, Općinsko vijeće Vareš na 35. sjednici, održanoj 30.01. 2012. godine, d o n o s i

ODLUKU **o obliku i sadržaju vijećničke iskaznice**

I. OPĆE ODREDBE

Član 1.

Ovom Odlukom uređuje se oblik, sadržaj vijećničke legitimacije-iskaznice (u daljem tekstu: iskaznica), način izdavanja, zamjene i vođenje evidencije o izdatim iskaznicama kao i nošenje iskaznice.

Član 2.

Nosilac iskaznice je vijećnik/ca u Općinskom vijeću Vareš (u daljem tekstu: Općinsko vijeće) kojem/joj je dodijeljen mandat od strane Centralne izborne komisije a na osnovu rezultata neposrednih lokalnih izbora.

II. VIJEĆNIČKA ISKAZNICA

Član 3.

Obrazac Iskaznice je izrađen na tvrdom papiru i zaštićen omotom od prozirne mase. Iskaznica je pravougaonog oblika dimenzija 85 x 55 mm, u osnovi bijele boje. Iskaznica se izdaje prema obrascu 1. i 2. koji je odštampan uz ovu Odluku i čini njen sastavni dio.

Prednja strana iskaznice sadrži:

1. Na gornjoj lijevoj strani prostor za fotografiju dimenzije 3,5 x 2,5 cm;
2. Ispod fotografije prostor za serijski broj iskaznice;
3. Desno od fotografije velikim slovima tekst: Bosna i Hercegovina; ispod manjim slovima Federacija Bosne i Hercegovine; ispod manjim slovima Zeničko-dobojski kanton; ispod velikim slovima Općina Vareš, ispod velikim slovima Općinsko vijeće, ispod velikim slovima Vijećnička iskaznica; ispod obilježeno mjesto za ime i prezime; ispod JMBG.
4. Na gornjoj desnoj strani nalazi se grb općine Vareš.

Prednja strana izrađuje se po obrascu broj 1.

Zadnja strana iskaznice sadrži tekst:

1. Prava i dužnosti vijećnika utvrđena su Ustavom, Zakonom, Statutom i Poslovníkom o radu Općinskog vijeća Vareš,
2. Principi ponašanja vijećnika utvrđena su Etičkim kodeksom izabranih zvaničnika Općine Vareš.
3. U lijevom donjem uglu : datum izdavanja, u desnom donjem uglu: mjesto za potpis predsjedavajućeg Općinskog vijeća,
4. U srednjem dijelu je mjesto za pečat.

Zadnja strana izrađuje se po obrascu broj 2.

III. IZDAVANJE, ZAMJENA I VOĐENJE EVIDENCIJE

Član 4.

Iskaznicu izdaje predsjedavajući Općinskog vijeća ili zamjenik predsjedavajućeg Općinskog vijeća.

Član 5.

Iskaznica vrijedi od dana izdavanja do prestanka mandata vijećniku.
Nakon prestanka mandata, vijećnik je dužan vratiti iskaznicu sekretaru Općinskog vijeća.

Član 6.

U slučaju gubitka iskaznice, vijećnik je dužan najkasnije u roku od tri dana od dana gubitka obavijestiti sekretara Općinskog vijeća.
Nova iskaznica izdat će se nakon što se izgubljena iskaznica proglasi nevažećom.

Član 7.

O izdatim i zamijenjenim iskaznicama vodi se evidencija.
Evidencija iz stava 1. ovog člana sadrži:

- redni broj;
- ime i prezime osobe kome je izdata iskaznica;
- serijski broj iskaznice;
- datum izdavanja;
- datum oglašavanja nevažećom;
- potpis osobe koja vraća iskaznicu;
- rubrika za napomene.

Evidenciju iz stava 1. ovog člana vodi sekretar Općinskog vijeća.

IV. NOŠENJE ISKAZNICE

Član 8.

Vijećnik nosi iskaznicu kada prisustvuje sjednicama Vijeća ili kada kao vijećnik prisustvuje sastancima i u drugim prilikama kada je pozvan kao vijećnik ili predstavlja Općinsko vijeće.

V. ZAVRŠNE ODREDBE

Član 9.

Iskaznice će biti urađene na jezicima i pismima u skladu sa Statutom općine Vareš.

Član 10.

Ova Odluka stupa na snagu osmog dana od dana objavljivanja na oglasnoj tabli Općine Vareš.

**PREDSJEDAVAJUĆI
OPĆINSKOG VIJEĆA**

Josip Malbašić

Ova Odluka je objavljena na oglasnoj tabli Općine Vareš 31.01.2012. godine.

OPĆINSKI NAČELNIK

Hamdo Fatić

O b r a z l o Ź e n j e

A) PRAVNI OSNOV

Pravni osnov za donošenje ove Odluke utvrđen je u članu 22. Statuta općine Vareš, kojim su navedene nadležnosti OV u donošenju Odluka i u članu 13. Poslovnika o radu OV Vareš-Prečišćeni tekst kojim je utvrđeno da vijećnik ima iskaznicu a da OV svojim odlukom utvrđuje oblik i sadržaj iskaznice.

B) RAZLOZI ZA DONOŠENJE ODLUKE

Provodeći općinske propise, a sagledavajući praksu ostalih OV u ZE-DO kantonu, pristupilo se donošenju ove Odluke u cilju da vijećnik u predstavničkom tijelu koji je izabran, ima i iskaznicu da je izabrani zvaničnik. Do sada i ako je bilo ovo pitanje regulisano, u praksi nije došlo do realizacije odnosno donošenja ovog akta. U prilogu ovog akta nalaze se i obrasci 1. i 2. kojim se iskazuje oblik i sadržaj iskaznice.



C) FINANSIJASKA SREDSTVA

Za provođenje ove Odluke nisu potrebna neka značajna finansijska sredstva, te ih ne treba planirati u budžetu/proračunu Općine Vareš.

**OVLAŠTENI PREDLAGAČ
OPĆINSKI NAČELNIK**

Hamdo Fatić

Obrazac broj 1.

	BOSNA I HERCEGOVINA Federacija Bosne i Hercegovine Zeničko-dobojski kanton OPĆINA VAREŠ OPĆINSKO VIJEĆE VIJEĆNIČKA ISKAZNICA	
	<input type="text"/>	<input type="text"/>
<input type="text"/>	JMBG	

/broj iskaznice/

Obrazac broj 2.

Prava i dužnosti vijećnika utvrđene su Ustavom, Zakonom, Statutom i Poslovníkom o radu Općinskog vijeća Vareš.

Principi ponašanja vijećnika utvrđena su Etičkim kodeksom izabranih zvaničnika Općine Vareš.

M.P.

/datum izdavanja/ */Predsjedavajući Općinskog vijeća/*